



N° 5112  
Reçue le 19.10.2021  
Déclarée recevable  
Président de la Chambre des Députés  
(s.) Fernand Etgen  
Luxembourg, le 19.10.2021

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 19/10/2021

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Gesondheet weiderzeleeden.**

D'lescht Woch krut ech vun enger ganzer Réi Matbiergerinnen a Matbierger, déi schonn iwwert ee Schéma vaccinal complet verfüegen, matgedeelt, dass si Invitatioune fir eng éischt Impfung erhalen hunn. Et ass souguer virkomm, dass Persounen iwwert 75 Joer direkt 2 Bréiwer kruten, ee fir eng éischt an ee fir eng drëtt Impfung. Dëst kann natierlech fir Verwirrung a Veronsécherung suergen an dës Bréiwer waren natierlech och mat engem gewësse Käschtepunkt verbonnen.

An deem Zesummenhang wéilt ech der Ministesch dës Froe stellen:

1. Kann d'Ministesch erklären, firwat Biergerinnen a Bierger, déi iwwert ee Schéma vaccinal complet verfüegen, eng weider Invitatioun fir eng éischt Impfung kruten? Wéi ass z'erklären, dass de Service un déi selwecht Persoun gläichzäiteg Invitatiounen eraus geschéckt huet fir eng éischt an eng drëtt Impfung? Mat wéi engen Donnéeën gouf hei geschafft a wou se sech ënnerscheet?
2. Huet d'Santé d'Méiglechkeet, Persounen, déi komplett geimpft sinn, an hirer Datebank ze filteren a wa jo, wien huet Accès zu dësen Donnéeën?

Mat déiwem Respekt,

CLEMENT Sven

Député



[www.piraten.lu](http://www.piraten.lu)

Reçue le 22.10.2021



LE GOUVERNEMENT  
DU GRAND-DUCHÉ DE LUXEMBOURG  
Ministère de la Santé

Monsieur le Ministre  
aux Relations avec le Parlement  
Service central de législation  
5, rue Plaetis  
L-2338 Luxembourg

Luxembourg, le 22 octobre 2021

**Réf. :** 83axd1309

**Concerne:** Questions parlementaires n° 5112 du 19 octobre 2021 de Monsieur le Député Sven Clement, n°5122 du 19 octobre 2021 de Madame la Députée Françoise Hetto-Gaasch et n°5124 du 20 octobre 2021 de Monsieur le Député Jeff Engelen

Monsieur le Ministre,

J'ai l'honneur de vous faire parvenir en annexe la réponse de la soussignée aux questions parlementaires n°5112 du 19 octobre 2021 de Monsieur le Député Sven Clement, n°5122 du 19 octobre 2021 de Madame la Députée Françoise Hetto-Gaasch et n°5124 du 20 octobre 2021 de Monsieur le Député Jeff Engelen concernant les "Courriers d'invitation à la vaccination contre la Covid-19".

Veillez agréer, Monsieur le Ministre, l'assurance de ma considération très distinguée.

**Paulette LENERT**  
Ministre de la Santé



**Réponse de Madame la Ministre de la Santé aux questions parlementaires n°5112 du 19 octobre 2021 de Monsieur le Député Sven Clement, n°5122 du 19 octobre 2021 de Madame la Députée Françoise Hettog-Gaasch et n°5124 du 20 octobre 2021 de Monsieur le Député Jeff Engelen concernant les "Courriers d'invitation à la vaccination contre la Covid-19".**

Et sinn rezent dréi verschidden Bréiwer am Kader vun der Impfcampagne verschéckt ginn :

- eng Invitatioun fir d' Leit vu 75 Joer an driwwer fir eng drëtt Impfung,
- eng méi generell Invitatioun fir jiddereen iwwert 60 Joer deen nach net geimpft ass, fir sech impfen ze loossen
- eng Invitatioun fir d' Leit déi eng éischt Impfung mam Impfstoff vun Janssen kruten, fir eng Opfrëschung ze maachen mat engem mRNA Vaccin

Well de Bréif fir d' Leit iwwert 60 Joer sech un déi net-Geimpften adresséiert, a well d' Regierung awer keng Lëscht vun den net-Geimpften däerf hunn, war d' Santé gezwongen de Bréif un all Leit, geimpft oder net-geimpft, ze schécken op Basis vum Registre national des personnes physiques (RNPP), dat heescht un d' Résidenten. Dëst ass sécher ëmständlech, a kann och vereenzelt een Doute ausléisen ob et sech hei em eng Invitatioun fir eng drëtt Impfung handelt, mee et war dem Gesondheitsministère do wichteg keen Zweifel opkommen ze loossen dass d' Santé wierklech keng esou eng Lëscht etabléiert, an domat och strikt den Exigenzen vun der Chamber a punkto Dateschutz Rechenschaft ze droen.

De Bréif fir déi drëtt Impfung ass un d' Leit vun 75 Joer an driwwer geschéckt ginn op Basis vun den Impfdonnéen déi d' Santé huet fir Residenten a Frontaliers, konform zum Artikel 10 vum Covid-19 Gesetz, deen explizit am Alinéa 1, Punkt 1° ("*garantir aux citoyens l'accès aux soins et aux moyens de protection contre la maladie Covid-19*") d' Finalitéit vum Traitement des données virgesäit. Et war an deem Sënn hei essentiell de Leit déi schonns zwou Impfungen haten, selektiv déi drëtt unzebidden fir eng optimal Protectioun virun der Krankheet z'erreeschen. Déi selwecht Prinzipien gëllen fir de Bréif deen un d' Leit gaangen ass, déi eng éischt Impfung Janssen krut hunn.

All Kéiers wann esou ee Courier un de Public erausgaangen ass, krut d' Helpline den Dag selwer an an deenen Deeg duerno eng ganz Rei Uriff. Dëst war och dës Kéier de Fall an dofir ass dunn och kuerzfristeg d' Personal bei der Helpline opgestockt ginn. Et gëtt awer keng genau Statistiken wéivill Leit via d' Helpline en ImpfRendez-vous op Basis vun de verschiddenen Bréiwer geholl hunn, an zwar aus folgenden Grënn:

- Et ginn nach ëmmer Leit déi weiderhin Rendez-vousen huelen, an dëst wäert och iwwer déi nächst Wochen de Fall bleiwen,
- Net all Persoun déi uriff seet kloer dass de Wonsch fir e Rendez-vous ze froen ausgeléist ginn ass well si e Bréif krut, vill Leit maachen dat och spontan,
- Et kann een och ouni Rendez-vous an een Impfzentrum goen,
- D' Leit hunn och d' Méiglechkeet bei d' Hausdokteren ze goen, an do ginn d' Rendez-vousen direkt vun den Dokteren géréiert a net iwwert d' Helpline.

Et ass dofir schwéier den direkten Impakt vun de Bréiwer via d' Appeler op der Helpline ze moossen.